

FALSAFA YA DINI NO.2

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

.FALSAFA YA DINI NO 2

Katika makala iliyopita tuliashiria umuhimu wa dini na umuhimu wa kuitambua falsafa ya dini, vile vile tulielezea baadhi ya miongozo ambayo inaweza kumuongoza mwanaadamu katika njia sahihi, katika makala hii pia tutaendelea kuelezea miongozo hiyo ya dini ambayo inaweza .kumsaidia mwanaadamu na kumuongoza katika njia iliyo sahihi

Dini ya haki ni ile dini iliyothibitishwa na Mwenyeezi Mungu na Mitume yake, na Ahlulbayt .4
-:(a.s). Ikiwa Mtume Muhammad (s.a.w.w) amesema

قال رسول الله صلى الله عليه وسلم: "على مع الحق و القرآن والحق والقران مع على ولن يفترقا حتى يردا على الحوض[1]"

-:Mtume Muhammad (s.a.w.w) amesema

Imam Ali (a.s) yuko pamoja na haki, na Qur-ani iko pamoja na haki, na Qur-ani iko pamoja na Ali (a.s), vitu hivyo viwili (Qur-ani na Ali (a.s) havitengani hadi siku ambayo vitarudi kwangu .mimi

-:Na vile vile, Mtume Muhammad (s.a.w.w) amesema

قال رسول الله صلى الله عليه وسلم: "يا على بنا ختم الله الدين كما بنا فتحه "

-:Mtume Muhammad (s.a.w.w) amesema

.Ewe Ali, Mwenyeezi Mungu kwetu sisi kaifungua dini, na kwetu sisi akaifunga

قال الرضا عليه السلام: " و امر الامامة من تمام الدين "

-:Imamu Ridhaa (a.s) amesema

Suala la Uimamu (ukhalifa) limo ndani ya hitimisho la dini, wala haliko nje. (Dini haikutimia bila
(ya kuwepo Uimamu). (Uimamu ni chanzo endezeo cha kubakia dini iendele

قال الصادق عليه السلام: " بنى الاسلام عتي خمس على الصلوة والزكاة والصوم والحج والولاية و لم يناد بشيء
كما نودى بالولاية "

-:Imam Sadiq (a.s) amesema

Uislamu umejengeka kwa nguzo tano, sala, zaka, funga, hija, na uwalii, na wala halikulinganiwa
.suala la ukhalifa na Uimamu miongoni mwa matano hayo

قال رسول الله صلى الله عليه وسلم: والذي بعثني بالحق نبيا لو ان رجلا لقي الله بعمل سبعين نبيا ثم لم يأت
بالولاية ولي الامر من اهل بيت عليهم السلام ما قبل الله منه صرفا ولا عدلا

-:Mtume Muhammad (s.a.w.w) amesema

Naapa kwa yule aliyenituma mimi kwa haki kuwa Nabii, iwapo mtu atakwenda mbele ya Mola,
huku akiwa amebeba amali zenye kulingana na matendo ya Mitume sabiini, bila ya yeye kuwa
na imani na Uimamu wa ukhalifa wa watu wa nyumba yangu, basi Mwenyeezi Mungu
.hatokikubali chochote kile kutoka kwake

Kwa hakika dini ya haki ni ile dini ambayo imekubalika kwa kufuata miongozo ya Mitume na
Ahlulbayt (a.s) kiamali na kimatendo, kwa hiyo mtu yoyote atakayeibainisha dini bila ya
kuzingatia maamrisho ya Mitume na Ahlulbayt (a.s) mtu huyo atakuwa hajaibainisha dini ya
haki kama inavyotakiwa, na mtu yoyote yule anayejua uhakika wa dini na akaikubali hiyo dini
lakini bila ya kuwa na imani na Mitume ya Mwenyeezi Mungu na Ahlulbayt wake basi mtu huyo
hatakuwa na dini, dini ya haki ni ile dini ambayo miongozo yake ni kutoka kwa Mitume na
Ahlulbayt (a.s) katika hali zote, kuanzia kuifahamu dini, kuwa na imani nayo, na kuifanyia amali
.na matendo dini hiyo

Ikiwa uhakika na desturi zote za dini zilizobainishwa na Mwenyeezi Mungu hazikubainishwa
kupitia Mitume na Ahlulbayt (a.s), na tujaalie kuwa desturi hizo zilifahamika na kufanyiwa amali
lakini bila ya miongozo ya watu hao watukufu, basi dini hiyo haitakuwa dini, na mtu mwenye
.itikadi na dini kama hiyo hatakuwa katika njia sahihi

Maelezo hayo hayana maana ya kuwa Mitume ya Mwenyeezi Mungu na nyumati zilizopita
hazikuwa na dini, kwa sababu Mitume hiyo na nyumati zao zilikuwa na dini, dini ambayo katika
zama hizo hawakuwepo Maimamu wa Ahlulbayt (a.s), kwa kweli fikra hiyo sio sahihi, kwa

sababu akida za Mitume zilizengwa kwa bishara za Maimamu (a.s), na katika zama zile kabla ya kuja Maimamu vitabu vitukufu vya Mwenyezi Mungu (Taurati, Zaburi, Injili), vilikwisha elezea kuja kwa watu hao watukufu, na Mitume yote ilikuwa tayari imeshajenga uhusiano kiakida na kiimani na watukufu hao, kwa hiyo katika zama hizo Ahlulbayt (a.s) walikwishaanza .(huduma za kutoa miongozo yao kutokana na maamrishi na hekima zake Allah (s.w

Dini ya haki ni ile dini ya Wahyi aliyoiteremsha Mwenyezi Mungu Mtukufu kwa ajili ya waja .5 wake, kwa hiyo, ikiwa tutajaalia kuwa, elimu, taaluma na hukumu zote za dini zililetwa na kuwekwa nidhamu na asiye kuwa binaadamu, au mtu mwingine yoyote yule, na mtu huyo asiwe na uhusiano wowote na wahyi wa Mwenyezi Mungu, hiyo haitakuwa dini, kwa sababu dini ni lazima iwe na fungamano na mfumo mzima wa maisha ya binaadamu, na dini ya .Mwenyezi Mungu peke yake ndiyo iliyo na sifa hiyo

Dini ya haki ni lazima idhamini mahitajio ya kila mwanaadamu, na mwanaadamu anaweza kuyapata mahitajio hayo kupitia mabainishi ya mtu ambaye ana elimu na anajua uhakika wa kila kitu, na huyo sio mwingine isipokuwa Yeye Mola Mtakatifu (s.w). Kwa hiyo, dini ya haki ni .(ile dini iliyoletwa kutoka kwake Allah (s.w

Maelezo hayo tuliyoyaelezea hapo juu yana maana ya kuwa, dini imeletwa na kuteremshwa kutoka kwake Allah (s.w), ikiwa tayari imejengwa na kupangwa katika nidhamu maalumu kwa mujibu wa mahitajio ya wanaadamu na matakwa yao. Kwa hiyo dini haiwezwi kutengenezwa au kufichiliwa na mwanaadamu, ijapokuwa inawezekana mwanaadamu atakayetengeneza au kufichua dini awe ni mwenye akili pevu na fikra iliyo salama, awe ni mjuzi na mwenye tajiriba ya juu kabisa, hivyo ni lazima tuzingatie kuwa, kufikia katika haki ya mambo matatu katika maisha ya mwanaadamu, elimu, dini, na tajiriba, haiendani sambamba na uteremshwaji wa dini, na .kutovumbuliwa dini

.Tarehe Baghdadi, juzuu ya 14, uk, 321[1]

MWISHO